



Independent
Living Centre
of WA (Inc)



Centar za nezavisan život WA (Inc)

Jedinstveni informativni centar za osobe svih starosnih grupa i različitih stupnjeva onesposobljenosti

3 NAČINA KAKO MOŽEMO DA VAM POMOGNEMO

1. Nazovite našu informativnu liniju ili nam pošaljite e-mail.

Broj telefona: 1300 885 886 E-mail: enquiries@ilc.com.au

Tokom radnih dana nazovite nas između 8:30 i 16:30 sati, i sa jednim od naših zdravstvenih radnika porazgovarajte o tome koja vam aparatura najbolje odgovara. Preko telefona možemo da vam pružimo informacije koje su uskladištene u našoj kompjutorskoj banci podataka, a nakon toga vam faksirati ili elektronskim putem poslati informacije o aparaturi za koju ste zainteresirani.

2. Dođite u naš Centar.

Nazovite našu informativnu liniju da zakažete sastanak.

Tako ćemo imati dovoljno vremena da pripremimo aparaturu koju želite isprobati, i tako ćete izbjeći čekanje da vam se pruži potrebna stručnu pomoć.

3. Posjetite našu web stranicu na adresi: www.ilc.com.au


Ako imate pristup internetu, pruža vam se izvrsna mogućnost da dođete do detaljnijih informacija o svim uslugama i aparaturi dostupnoj u Centru za nezavisan život, te da pregledate banku podataka sa informacijama o pomoćnoj aparaturi ili preko e-maila porazgovarate sa nama o vašim potrebama.

GDJE NAS MOŽETE NAĆI:

The Niche, Suite A, 11 Aberdare Road
(ugao Hospital Ave), Nedlands WA 6009

Telefon: 1300 885 886
Recepcija: (08) 9381 0600
Faks: (08) 9381 0611
Email: general@ilc.com.au
Internet stranica: www.ilc.com.au

Centar za nezavisan život (Independent Living Centre of WA Inc.), neprofitna je organizacija. Svoje dobrovoljne priloge iznad dva dolara, možete da potražujete kroz porez na lični dohodak.




KRAĆI OPIS NAŠIH USLUGA



POMOĆNA APARATURA

Dobrodošli u Centar za nezavisan život – jedinstveni informativni centar za osobe svih starosnih kategorija i stupnjeva onesposobljenosti.

Naši kvalifikovani službenici će vam pružiti BESPLATNE informacije i savjete, kako bi vam se pomoglo doći do informisane odluke kod izbora pomoćne aparature koja vam najbolje odgovara, među mnoštvom proizvoda dostupnih na današnjem tržištu. Iako ne prodajemo aparaturu niti bilo koje druge proizvode, možemo da vam pružimo kompletne informacije o njihovim cijenama i prodavačima. Govoreći jednostavnim jezikom, ovdje možete da dobijete nepristrane stručne savjete i pomoć kako biste si maksimalno **olakšali život**.



Hiljade različitih proizvoda koje možete da BESPLATNO razgledate i isprobate!

Dođite u naš paviljon u kojemu možete vidjeti i isprobati veliki broj proizvoda koji vam mogu olakšati izvođenje različitih zadataka kod kuće, u školi, na poslu ili u zajednici u kojoj živite. U njemu imamo hiljade različitih proizvoda koje možete isprobati. Šta je još važnije, moći ćete dobiti besplatan stručni savjet od jednog od naših radnih ili govornih terapeuta, kako biste mogli lakše odabrati proizvode koji su najprikladniji za vas.

Informacije o dostupnim proizvodima, nalaze se u našoj banci podataka o pomoćnoj aparaturi, u kojoj se nalazi preko 6,000 različitih aparata. Ove su vam informacije dostupne preko faksa, e-maila, web stranice ili poštanskim putem.



UNAJMLJIVANJE OPREME I APARATURE U CENTRU ZA NEZAVISAN ŽIVOT

Služba za iznajmljivanje pomoćne aparature Centra za nezavisan život, specijalizirana je služba za kratkoročno iznajmljivanje šireg asortimana različite opreme po povoljnim cijenama. U nju ulazi aparatura za olakšavanje pritiska, bolesnička kolica, oprema za komunikacije, sprave za kupaonicu i okviri za hodanje.

Iznajmljivanje je posebno opravdano kada:

- vam je oprema potrebna na kraće vrijeme, npr. nakon operacije
- je vaša osobna aparatura na popravku
- želite da isprobate određene naprave i uvjerite se da vam odgovaraju, prije nego šta se odlučite za kupovinu
- trebate adekvatno zadovoljiti potrebe koje se naglo mijenjaju



POMOĆNA TEHNOLOGIJA

Pomoćna tehnologija olakšava život!

Centar za nezavisan život dobro je opremljen spravama koje se zasnivaju na najmodernijoj tehnologiji, prilagođenim osobama različitih starosnih grupa i stupnjeva onesposobljenosti. Radni i govorni terapeuti vam mogu pružiti informacije i savjete o kompjuterskom pristupu podacima, augmentativnoj i alternativnoj komunikaciji (AAC) i kontroli okoliša.

Također, kod nas možete razgledati veći broj različitih kompjuterskih tastatura, monitora, miševa, naprava za komunikaciju i softwarea.



SLUŽBE U UNUTRAŠNOSTI

Centar za nezavisan život ima svoj karavan za prijevoz i izlaganje pomoćne aparature, koji putuje cijelom državom, pružajući stručne informacije i savjete o hiljadama proizvoda različitih proizvođača. Širi asortiman različitih produkata putuje s nama i dostupan vam je na pregled i isprobavanje.

Naši radni terapeuti mogu vam pružiti savjete, kao i obrazovne tečajeve i obuku. Također, sa nama možete komunicirati i putem video-konferencije.



OBUKA, KONZULTACIJE I DRUGE USLUGE



OBRAZOVANJE I OBUKA

Centar za nezavisan život pruža mogućnost obučavanja za osobe koje rade u domenu zdravstva, socijalne zaštite, pomoći za onesposobljene, kao i u društvenom i privatnom sektoru.

Programi za obuku su usmjereni ka stjecanju potrebnih vještina i moguće ih je prilagoditi potrebama pojedinaca ili grupa.

Teme seminara uključuju

- ručno korištenje aparature
- preventiva pojave rana koje su posljedica pritiska na tkivo
- upravljanje bolesničkim kolicima
- upoznavanje sa potrebama onesposobljenih osoba
- najnovija ostvarenja na polju pomoćne aparature
- pravilno sjedenje na radnom mjestu



SLUŽBA ZA PRUŽANJE INFORMACIJA O KORIŠTENJU RADNE OPREME

Centar za nezavisan život pruža usluge procjene opasnosti na radu, svojim klijentima i njihovim poslodavcima, o pravilnom korištenju opreme na radnom mjestu, ili opreme koja se koristi prilikom učenja ili kod kuće.





FINANCIRANJE OPREME ZA ONESPOSoblJENE

Centar za nezavisan život vrši raspodjelu sredstava dobivenih kroz organizaciju Lotterywest, kojom se omogućava financiranje aparature za onesposobljene. Ovim se fondom omogućava pojedincima s trajnim oblikom onesposobljenosti, doći do specifične opreme koju sami ne mogu kupiti, niti dobiti kroz druge vrste fondova. Za zamolbeni obrazac, kontaktirajte Centar.



Commonwealth Carelink Centre

Centar za nezavisan život je organizacija pod okriljem North Metropolitan Commonwealth Carelink Centra. Commonwealth Carelink Centre je nacionalni program koji pruža besplatne informacije o cijelom nizu društvenih usluga za starije i onesposobljene. Centar ima za cilj osigurati pomoć starijim i onesposobljenim osobama, kako bi mogle nastaviti živjeti neovisno, u vlastitom domu. Za informacije o niže navedenim uslugama, kontaktirajte vaš mjesni centar na broj telefona 1800 052 222

Kućna pomoć
Održavanje kuće
Dnevni centri

Centri za pomoć starijim osobama

Osobna i bolnička njega i zamjena za njegovatelje
Prijevoz i dostava obroka
Podrška za njegovatelje

Udružene službe zdravstvene skrbi

North Metropolitan Commonwealth Carelink Centar ima kancelariju koja je otvorena od 8:30 do 17:00 sati. Kroz njega vam se pruža prilika da u povjerenju porazgovarate sa jednim od stručnjaka, upoznatih sa uslugama koje su vam lokalno dostupne. Nije se potrebno unaprijed najaviti.

